



Broj: 01-04-2375/25-AP-3

Datum: 27.11.2025. godine

Na osnovu člana 7., a u vezi sa članom 1. Zakona o budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 25/22) i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Gradsko vijeće Zavidovići na 12. sjednici održanoj dana 27.11.2025. godine, razmatralo je Nacrt Budžeta Grada Zavidovići za 2026. godinu, pa nakon rasprave donijelo

ZAKLJUČAK

1. Gradsko vijeće Zavidovići prihvata Nacrt Budžeta Grada Zavidovići za 2026. godinu.

2. Nacrt Budžeta Grada Zavidovići za 2026. godinu, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Služba za upravu finansija, budžet i trezor.

3. Zadužuje se Služba za upravu finansija, budžet i trezor da u periodu od 10 dana, organizuje provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Služba za upravu finansija, budžet i trezor dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Budžeta Grada Zavidovići za 2026. godinu, uzeti u obzir primjedbe i mišljenja sadržane u Izvještaju Službe za upravu finansija, budžet i trezor kao i mišljenja i prijedloge iznesene tokom pretresa na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su izneseni u javnoj raspravi.

6. O realizaciji ovog Zaključka starat će se Služba za upravu finansija, budžet i trezor i Stručna služba Gradskog vijeća.



PREDSJEDAVAJUĆA
GRADSKOG VIJEĆA

Amira dr Hadžić, spec. radiolog



Broj: 07-11-20869/25
Zenica, 24.11.2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

GRAD ZAVIDOVIĆI

Služba za upravu finansija, budžet i trezor
ul. Mehmed paše-Sokolovića broj 9.
72220 Zavidovići

Primljeno			
24-11-2025			
Orij. jed.	Ukl. dana	Broj. broj	Br. o. boga
01	04	2375/41	

PREDMET: Mišljenje na Nacrt Budžeta Grada Zavidovići za 2026. godinu - *dostavlja se*

Ministarstvo finansija je razmotrilo Nacrt Budžeta Grada Zavidovići za 2026. godinu, koji je dostavljen od strane Službe za upravu finansija, budžet i trezor Grada Zavidovići, aktom, broj: 05-45-12/25-AP-226 od 18.11.2025. godine, te u skladu sa članom 33. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), daje slijedeće

MIŠLJENJE

Uvidom u Nacrt Budžeta Grada Zavidovići za 2026. godinu, konstatovano je da ukupni planirani budžetski prihodi iznose 24.488.923,54 KM, a da ukupni planirani budžetski rashodi iznose ukupno 20.003.832,31 KM, iz čega proizilazi da je planirani tekući bilans budžeta pozitivan, čime je primijenjeno fiskalno pravilo iz člana 43. stav 1. Zakona o budžetima u FBiH.

Nacrtom Budžeta Grada Zavidovići za 2026. godinu, planirani su određeni grantovi od kantona, a s obzirom da prijedlog Budžeta Zeničko-dobojskog kantona za 2026. godinu, tek treba biti utvrđen od strane Skupštine Kantona, Ministarstvo finansija u ovome trenutku ne može prejudicirati obim preuzimanja obaveza od strane Budžeta Zeničko-dobojskog kantona za 2026. godinu, po osnovu grantova prema Gradu Zavidovići.

Uvidom u dostavljeni plan prihoda i primitaka Nacrta Budžeta Grada Zavidovići za 2026. godinu, konstatovano je da je plan prihoda usklađen sa projiciranim prihodima od indirektnih poreza, dostavljenim od strane Federalnog ministarstva finansija - financija, aktom broj: 05-12-5-4674/25-2 od 23.10.2025. godine.

Za Plan neporeznih prihoda i direktnih poreza Ministarstvo finansija ne može vršiti projekcije, posebno u dijelu prihoda regulisanim gradskim propisima za koje su jedinice lokalne samouprave samostalne u projiciranju istih.

Imajući u vidu sve navedeno, u gore navedenom dijelu Nacrta Budžeta Grada Zavidovići za 2026. godinu, Ministarstvo finansija nema drugih sugestija i primjedbi iz svoje nadležnosti.

S poštovanjem!

Dostavljeno:

1x Naslovu,
1x a/a.

MINISTARICA

Dženana Čišija

